

Washington University School of Medicine

Digital Commons@Becker

Lecture Notes

Brown, Gustavus Richard

1767

De variolarum insitione

Ephraim Howard

Follow this and additional works at: https://digitalcommons.wustl.edu/gustavus_brown_lecturenotes



Part of the [Medicine and Health Sciences Commons](#)

Recommended Citation

Howard, Ephraim, "De variolarum insitione" (1767). *Lecture Notes*. 3.
https://digitalcommons.wustl.edu/gustavus_brown_lecturenotes/3

This Book is brought to you for free and open access by the Brown, Gustavus Richard at Digital Commons@Becker. It has been accepted for inclusion in Lecture Notes by an authorized administrator of Digital Commons@Becker. For more information, please contact vanam@wustl.edu.

DISSERTATIO MEDICO-PRACTICA
INAUGURALIS,

DE

VARIOLARUM
INSITIOE.

DISSERTATIO MEDICO-PRACTICA
I N A U G U R A L I S,
D E
VARIOLARUM INSITIONE,

Q U A M,
ANNUENTE SUMMO NUMINE,
Ex Auctoritate MAGNIFICI RECTORIS,
DAVIDIS RUHNKENII,
HISTORIARUM ET ELOQUENTIÆ IN ACAD.
LUGD. BAT. PROFESSORIS ORDINARII,

NEC NON

Amplissimi SENATUS ACADEMICI *Consensu*, &
Nobilissimæ FACULTATIS MEDICÆ *Decreto*,
PRO GRADU DOCTORATUS,

Summisque in MEDICINA Honoribus, & Privilegiis
ritè ac legitimè consequendis,

Eruditorum Examini submittit

EPHRAIMUS HOWARD,
MARYLANDO-AMERICANUS.

Ad diem xviii. Maji MDCCCLXVII. H. L. Q. S.

Ego utar via veteri, sed si propiorem planioremque invenero, banc muniam.
SENECA Epist. xxxviii.

LUGDUNI BATAVORUM,
Apud THEODORUM HAAK, 1767.

V I R O

N O B I L I S S I M O

A C

P R Æ S T A N T I S S I M O

C A R O L O C A R R O L L ,

A R M I G E R O

C I V I U R B I S A N N A P O L I S

I N T E G E R R I M O .

*Dissertationem banc inauguralem, in
publicum devotissimi animi
testimonium, sacram facit*


E P H R A I M U S H O W A R D .



DISSERTATIO MEDICO-PRACTICA
INAUGURALIS

D. E.

VARIOLARUM INSITIONE.



CAPUT PRIMUM.

Historia originis & progressus insitionis variolarum.



Quisnam fuerit insitionis variolarum auctor? quam methodo? quo tempore? quo loco? primum adhibita fuerit, Europæ incolis, quin etiam ipsis Asiaticis nationibus, a quibus eam nuper accepimus, incertum omnino esse videtur. Variæ enim opiniones, quæ de prima ejus institutione circumferuntur, infirmo admodum talo nitantur.

CASSEN AGA, legatus Tripolitanus, regi Magnæ Britanniae Georgio I. affirmavit, insitionem istam inter Tripolitanos, Tunicianos atque

atque Algerinos adeo antiquam, adeo vetustam esse, ut ejusdem origo nullius hujusce temporis memoria constaret, & ea non solum illius civitatis incolæ, sed etiam inculti Arabes uterentur; quamquam, si ex nupero cum illa gente commercio judicare liceret, non, nisi aliquot sæcula post morbi variolosi ortum, inventa fuerit.

Primum inter Europæos insitionis tentamen circa annum 1670 institutum invenimus, licet etiam constiterit, morem variolas, uti loquuntur, emendi & earumdem frictionis, jam inter Wallos circiter 1600 obtinuisse.

TIMONI, Constantinopoli degens, in commentario ad societatem regiam anno 1713 transmissio, affirmat, Circassos atque Georgianos in ea urbe quadraginta annos ante insitione uti cœpisse.

In Magna dein Britannia primum methodi variolas inferendi periculum anno 1721 in sex capite damnatis factum est.


Filia nobilis matronæ *Mariæ Wortley Montague*, uxoris legati, ex aula Britannica Constantinopolin missa, prima fuit libera, quæ anno 1722 variolarum insitionem experta est. Paulo post quinque pueri, alumni parochiæ divi Jacobi Londinensis, hujusmodi tentamen subierunt. Inde in multis liberis ingenuis, & a nobilioris conditionis parentibus natis, summo cum successu adhibita fuit. Nee regia progenies insitione uti dedignata est, incolumisque evasit. Ab illo tempore morem variolas arte excitandi per Britanniam longe lateque invaluisse notum est.

Ex relationibus vero certis, inter se collatis, adparet, insitionem maturius, vel prius, in Nova Anglia sub auspiciis Celeberrimi medici *BOYLSTON* obtinuisse. Bostoniensium exemplum, ubi primum in hac terrarum orbis parte variolas inseruerunt, dein, quasi agmine facto, reliquæ Americæ urbes & provinciæ secutæ sunt.

Haud mora dein obtinuit magna, qua per plures Europæ regiones Galliam, Sueciam, Germaniam mos variolas inferendi transit.

Ratio præparandi corpus ad insitionem primis temporibus eo tantum redibat, ut homo per aliquot dies abstineret ab acrioribus, salinis, atque crassioribus alimentis. Hac methodo utebantur Americani eodem successu ac Europæi. Abhinc annos vero octo cives mei aliam methodum adhibuerunt, quæ plurimis experimentistutior & facilius

cilius patuit, & qua variolæ excitantur tam benigne decurrentes, ut, quum silent venti fugiuntque nubes, morbo detenti in agris, vel hortis obambulare possint. Quam quidem methodum in præsentia latius exponere operæ pretium fore arbitror.



CAPUT SECUNDUM.

Materia variolosa.

Variolarum natura & subjectum a quo materia sumenda sit.

Quod ad materiam inferendam attinet parum referre videtur a quonam ægro sumatur, aut ejusnam fuerit generis. Quum tamen quilibet medicus eam benignioris indolis vellet, præstabit subjecta eligere, quæ variolis distinctis laborant, & ab aliis morbis immunia sunt. Successum vero omnem a constitutione corporis, cui inseritur materia, & a ratione medendi pendere experientia edoctus scio. Vidi multoties virus ex corporibus, variolis malignis correptis, desumptum, cum alio communicatum, morbum mitissimum, benignissimum, induxisse. Deinde pluribus exemplis comperti habemus ægrotos ejusdem familiæ, eodem tempore, ab eadem materia infectos, diversissimis modis adfici, & alios optimis, alios vero maxime malignis variolis decumbere. Ex his itaque patere arbitror, indolem variolarum diversam omnino a statu corporis, & methodo medendi, neutiquam vero a materia ipsa, provenire.

Methodus materiam sumendi.

Filalanea, aut linea, leviter contorta, & mediocris magnitudinis, trahens per pustulam trahantur, retrahanturque, donec materia probe imbuta sint, dein suspendantur in loco sicco, a calore foci, vel solis remo-


remoto, & tandem bene siccata, in phiala nitida includantur. Si enim humida conservantur, concepta putredine, destruetur materia; si exponuntur calori nimio foci, vel solis, prorsus consumetur. Probe hoc sciunt custodes aegrotorum, qui sæpe vestes laneas soli, vel foco, ad consumendam materiam morbidam, exponunt.

Tempus sumendi materiam.

Tempus optimum sumendæ materiæ erit, quum pustulæ plenæ & resertæ observantur, & pus adparet flavi, albidı coloris, quod vulgo accidit ab eruptione circa diem septimum, quamquam in facie citius eveniat. Præstat interim pus ex variolis distinctis, quum occasio se offert, eligere.

Duratio vis Materiæ.

Materia variolosa, si bene siccata, & in phiala clausa probe adservatur, virus suum per annos servabit. Sæpius novi experimentum tali materia diutius reservata cum optimo successu institutum fuisse. sed notandum est, materiam interdum exponendam esse aëri, attamen sicco, ne nimiam humiditatem attrahendo, pereat, phialam claudendam, & portione vesicæ superinducta arctius præstringendam esse.



CAPUT TERTIUM.

Subiectum.

Aetas insitioni apta.

Quod ad ætatem subiecti attinet, convenientissimum videtur, si potest fieri, a secundo ad quadragesimum annum. Qui enim provectioris sunt ætatis, plerumque uno vel altero morbo chronico adsciuntur, & vires vitæ sæpe jam nimis debilitas habent. Pueri au-

autem minoris ætatis plūs vel minus, morbis ex vermibus, vel dentitione difficili oriundis, obnoxii inveniuntur. Non autem est, cur ab his morbis infantulorum nimis timeant medici; nam multis experimentis in America factis constat, puerulos primo anno jam aptos esse, & methodo exponenda insitionem incolumes sustinere. Interim si ne ratione sufficiente olim crediderunt infantes nulla præparatione egere; nam majores fructus, quos observamus ex præparatione prægressa, utilitatem & necessitatem ejus probant.

Ego ipse, quum in America primum ad praxin animum adplicui, & sæpius hujusmodi ægrotis opem tuli, inter ducentos circiter, quos ibi tractavi, multos vidi infantes, qui omnes præparati eisdem medicamentis quibus adulti, & omnes quoque prorsus incolumes evaserunt. Alios quoque vidi a puericia ad sexagesimum annum absque ullis symptomatibus periculosis; immo seniores cognovi, qui vix triginta pustulis, & quidem ex benignissimo genere, afficiebantur.

Tempus insitioni aptissimum.

Tempus insitioni maxime favens, videtur esse a mense Aprili ad mensem Junium usque, nam ea tempestate firmiori, & lætiori fruuntur valetudine, ac aër mitior, salubrior censetur, quæ conditiones in hoc morbo quam maxime spectandæ sunt. Aestas magis inimica variolis habetur, nam calor auget sensibilitatem corporis, illud reddit aptissimum ad irritationem, ab acrimonia veniente, suscipiendam, favetque putredini. Hæc autem omnia evidenter vim addunt morbo. Materia enim variolosa, sine dubio corpus acre est, quod inductum in corpus humanum, contaminat omnes humores, & pollet facultate excitandi inflammationem maximam. Ex hac itaque causa ejusmodi aëris & anni temporis status, qui vim acrimoniæ acuit, ad putrefactionem disponit, maxime nocet corpori, & auget malignitatem morbi variolosi.

Autumnus nonnullis huic operi judicatur aptissimus, quum tempus sit mediocriter temperatum; mihi autem videtur inimicissimus, præsertim in regionibus calidis, nam non raro accidit eo anni tempestate, ut febres putridæ regnent, & plerumque auster, vel africanus suscitent, atque aër humiditate gravis sit, quæ omnia, si post calidam æsta-

tem eveniunt, plus minus disponunt ad putredinem, qua incrementum malignitati variolarum non mediocriter adfertur.

Sunt quoque, siquæ non pauci, qui variolis hyemen inimicam declarant, quoniam homines hoc tempore observentur priores in catarrhos & tussim, & corpus nimis frigore constringatur, perspiratioque impediatur. Licet largiar, frequentes aëris vicissitudines varios morbos creare posse; frigus tamen non solum inimicum est putredini, sed etiam corpus insensibilis, & ineptius reddit ad irritationem, hinc maxime congruens sub auspiciis periti medici esse videtur. Constat enim omnia stimulantia & calida mirum in modum augere malignitatem materiam variolose. Quidquid vero contrarium effectum præstat, irritabilitatem nimiam infringit, putredinem cohibet, id prudentia duce, in variolis proderit. Mihi igitur, si opinari fas est, hyems huic negotio, verno tempore tamen excepto, satis amica videtur.

Observatum tamen velim ad epidemias tunc regnantes magis attendendum esse, quam ad anni tempestatem. Hinc opera pretium erit inquirere, utrum tempestas sit morbifica; si enim salubris est, corpora quoque inveniuntur vegetiora; unde non adeo facile contagione afficiuntur. Si vero prævalet epidemica malignitas, adproprio regimine prævertenda est.

Esti circumstantiæ memoratæ naturam & vim variolarum letalem multum augeant, præsertim si nulla præparatio præcedat: experientia tamen docet, ægrotantem posse incolumem quovis anni tempore servari, si modo methodi infra exponendæ ratio habeatur.

Corporis temperies.

Temperamentum in se spectatum ad morbi variolosi indolem vix facere, & parum referre videtur, quale obtineat, modo æger sit sanus. Omnia autem ab eo pendunt, utrum videlicet status corporis plus minus faveat malignitati hujusce morbi, quod tamen nulli temperamento proprium est. Novi enim corpulentos, macros & variis temperamentis subjectos, eodem tempore, eadem materia, omnesque sub eodem regimine, felici cum successu insitionem subisse; aliquando tamen evenit, ut modo hoc temperamentum, modo aliud, modo habitus corporis laxior, modo strictior, plures tulerit pustulas. Mihi autem

tem persuasum est, neque temperamentum, neque res externas ad variolarum naturam proxime facere; sed dispositiones quædam peculiæ, quæ vel prosunt, vel nocent, progressui & vi morbi, & quæ locum habere possunt in omni ætate, sexu, & temperamento. Et hæc singularis dispositio videtur maxime propria quibusdam familiis, licet non semper constans sit. Quid multa? certum exploratumque mihi est, usum regiminis, aërem, statum corporis & medicamenta, huic dispositioni contraria, aut faventia, a tempore insitionis, usque ad eruptionem, determinare & quantitatem, & qualitatem pustularum. Celeberrimus HUXHAMUS in tractatu de insitione variolarum & ejus effectibus in diversis corporibus, sic scribit: *Upon the whole it is evident the previous state of the body & the disposition of the humours, contribute to determine the quantity & quality of the small pox.*

CAPUT QUARTUM.

Insitio.

Methodus inferendi.

In principio methodus hujus praxis sic se habuit. Solebant incisio- nes facere in pluribus corporis partibus, in brachiis nempe, cruribus, & lateribus fortasse simul; & deinde paululum bombacis, materiæ morbificæ imbutæ, vulneribus imponebant. Postea aliam methodum secuti sunt, nempe in brachio & crure tactum insitionem instituerunt, & nunc temporis eam in brachio solo persciant, media fere ossis humeri sede, idque inter musculos flexientes cubitum & os humeri, qui locus dignoscitur flexione & extensione brachii, tenendo interim manum desuper. Incisio in illo loco fit longitudinalis & sesquidigitalis ad sanguinis profusionem, neq; alior, deinde intra labia vulnusculi ponatur filum laneum, materiâ morbida laudabili im-

butum, & circiter quartam digiti partem longum, & tandem emplastro diachylo simplici imposito, circumvolutaque fascia, totus apparatus firmatur. Non desunt exempla plurimorum, qui infectionem susceperant tantum imponendo filum nulla incisione facta. Prior autem methodus efficacior videtur.

Quandiu filum retinendum sit.

Filum in vulnere per viginti circiter horas retinendum est, licet sæpe contagium inter sesquihoræ spatium admittatur. Quum tamen nocere nequeat, etiamsi careat effectu; suadendum est filum relinquere per diem integrum, cum neque dolor, neque periculum inde eveniant.

CAPUT QUINTUM.

Ratio preparandi corpus.

In hac tradenda exponam methodum, quam eo tempore, quo mihi licuit esse tam felici, & sub auspiciis Cel. medici JOSUE WARFIELD, viri pluribus mihi nominibus venerandi, & optime de me studiisque meis meriti, ægrotos quotidie visitare, in Provincia Maryland dicta, adhibebant.

Preparatio absolvitur usu mercurii & antimonii, addito regimine antiphlogistico. Hæc methodus nunc temporis invaluit per totam Americam, & cum optimo successu adhibetur.

Abhinc sex demum annos in Maryland introducta fuit, licet paulo citius in Nova Anglica, Pensylvania &c. obtinuerat.

Quisnam autem primus hac ratione variolis medendi in America usus sit, non adeo certum est: Celeb. Med. TENNET in diss. ait quidem, sibi traditum fuisse, MURKIN primum eam adhibuisse; re tamen penitus incerta videtur, multi enim honorem sibi vindicant.

Occa-

Occasionem dedit 1392. aphorismus celeberrimi BOERHAAVE, in quo antidotum virus variolosi ex mercurio & antimonio futurum spondit.

Hunc in finem ad manus esse debent sequens pilularum massa,

R. Calomel ppt. partes ij.

Sulph. aurat. antim. pars j.

eum G. Arabic., vel mucilage Tragacanth. f. massa pro Pil.

atque pulvis purgans, cujus compositio hæc est:

R. Scam.

Crem. tart.

Rad. jalap.

Antim. diaph. lot. aa. æq. part.

Modus autem adhibendi hic est. Pridie diei infusionis de massa pilulari, hora somni, adultus (nulla indicatione prohibente) unum scrupulum sumit; puer vero duos annos natus octo grana, & sic pro ætate intermedia doses determinantur reliquæ. Interim ex effectu, quem præstat dosis, judicare dein possumus, an minuenda sit, vel augenda. Secunda & tertia vespere repetantur pilulæ. Altero denique die insequente adulto matutinis horis præbeatur drachma dimidia pulveris, cum sex mercurii dulcis & duobus mercurii præcipitati albi granis. Varianda sæpe est hæc dosis, & aptanda ætati & constitutioni ægrotantis. Commodissime exhiberi potest in melle vel theiæ Barbadeni. Operationem vero ipsam potu diluente ordinario subinde hausto promoveat. Scopus hujusce praxis est, ut ventriculus a cruditatibus, & fordibus, vomitu, & dein purgatione subsecuta, melius liberetur. Illa die, qua deglutivit pulverem purgantem, nihil aliud est sumendum; nocte vero proximâ dentur iterum massa pilularis, ut antea; & altera nocte dosis repetatur; deinde insequente mane porrigatur pulvis purgans, mercurio tamen præcipitato albo omisso, & vespere iterum quindecim grana massæ pilularis præbeantur adulto, quæ tamen dosis iterum pro ætate dimini, vel augeri potest. Postea tandem quæque vespere & mane duodecim grana sumat, donec febris se monstret, nisi superveniant oris inflammatio, vel aliqua pyralismi indicia, quo in casu pilulæ omittantur penitus, vel tantum minuantur, prout gradus pyralismi id postulat, & semidrachmam florum sulphuris ter de die capiat, nisi symptomata disparuerint.

Pro infantulis, primum annum agentibus, vel tenerioribus adhuc, mulieribus sensilioris habitus, & omnibus, qui morbis nervosis laborant, præstat loco pulveris purgantis, uti rhabarbaro & sennâ cum calomelate, & in primo remedio purgante additur quoque paululum pulveris ipecacuanhæ, ventriculi purgandi causâ. Infantulis junioribus præstantius erit pilularum loco, modicam dosin calomelatis cum magnesiâ alba quotidie in lacte muliebri exhibere. Si vero adhuc ubera trahunt, sufficiet purgare nutricem eodem modo, quo adultos. Allaborandum ut infans copiose fugat, nisi videatur nimis purgari, tunc enim abstinendum. Nutrix caveat ab omnibus calidis & stimulantibus, utaturque victu leniter laxante.

Quod ad mulieres prægnantes spectat, si periculum infectionis ab extra appareat, mallentque infectioni se subicere; quibusdam exemplis in America patuit, hanc methodum sine noxa in illis adhiberi posse. Ego ipse memini gravidam vidisse; quæ adeo leviter afficiebatur variolis, ut ne quidem domo exire ei interdiceret medicus, neque illa sætem amitteret: notandum tamen erit, pilulas hoc casu parcius, sed frequentius, esse propinandas, mitissimumque purgans adhibendum.

CAPUT SEXTUM.

Regimen.

Victus sit hoc tempore ex vegetabilibus, & carnibus albis, pullis scilicet gallinaceis, vel indicis, juribusque ex his paratis. Si vero pinguiores videantur, pelle priventur, & juri dematur oleum. Expertus enim sum eos gravius laborare morbo, qui pellem cum pinguedine, aut jus pinguius adsumferant.

Vegetabilia quibus uti licet, debent esse refrigerantia. Religiose quoque ab omni acri & stimulante abstinendum est, omnisque victus gra-

tior reddatur adpersa modica salis portione; maxime tamen aromatica fugienda sunt.

Fructus horarum cocti, pyra, cerasa, grossulariæ rubræ, uvæ, adsumantur, sed vitetur butyrum & pinguedo. Panis, quo vescuntur, non debet esse recens, sed saltem quadraginta horas ex furno extractus, nam qui nimis recens, difficilioris est concoctionis, si enim in aquam inficias, manebit integer; vetus autem persacile solvitur. Lac quoque benignum præbet nutrimentum, modo adservatum fuerit, donec flos secesserit, & demi possit, id quod fieri debet. Ova satis apta sunt, modo caveatur, ne coquantur ad duritiem. Oryza, coctæ, thea, itemque præparata ex lacte, ovis & farina concedi possunt. Panis theriaca Barbadeni illinitus pueris gratissimus est, iisque maxime convenit.

Bibant cerevisiam ex theriaca Barbadeni confectam sine lupulo, aquam fontanam, lacte, vel aceto, vel quovis alio acido commistam; cui etiam paululum sacchari, si lubet, addatur.

Curiose quoque iis abstinendum est ab omni victu stimulante, ab omni carne bubula, vel suilla; præcipue ab omni pingui, oleoso, & liquo spirituoso.

Aër quoque in cubiculo ægrotantis frequente ventilatione renovandus est. Ambulent sub dio in agris, vel hortis, si tempestas non sit humida, vel pluviosa. In æstate, cum calor urget, aperiuntur interdiu fenestræ, ut renovetur aër; ægrotis quoque facultas exeundi concedatur. Hyeme etiam expedit cubacula interdum ventilare, absente ægrotato, dummodo tempestas sit sicca, & mediocriter calida; caveat tamen quam maxime, ne madesiant pedes in ambulatione, qua sæpius in die opus erit, ægri rescindi causâ. Abstinendum quoque a nimia exercitatione, ne sanguis rarefiat, calor enim major æque nocebit, ac victus acris & stimulans: e contra ambulatio, & motus moderatus in agris, & aëre liberiore, maxime prodest.

Vespero maturius cubicum eat, & mane surgat in tempore æger. Stragulis modice tegatur ne nimio calore inter dormiendum exarsuet, neque ultra octo, vel novem horas somnum protrahat.

Frequentius oculos aqua frigida lavare maxima utilitati est, & impedit, ne pustula illos invadant, aut succedat ophthalmia, quod a-

lias sæpissime fit: frigida enim constringit partes, & constringendo impedit, quo minus virus in eos deponi possit. Lætus sæpissime utilitatem hujus methodi noxas ab oculis arcendi, expertus sum.

Neutiquam interdiu foco largiori propius adsideant, aut in lecto decumbant se calefaciendi causa, quod fere amant: si vero opus fuerit calore, potius obambulent in cubiculo, donec satis calefiant, quod brevi fieri potest.

Sæpissime observavi, quod adulti, quum frigoris dissolvendi causa, ad focum propius accederent, & capite propendente adiderent, plures pustulas acceperint in facie, quam in reliquo corpore, & quod parvuli, qui gaudebant manum in sinu nutricis continuo absconditam tenere, in illa ipsa manu plures habuerint pustulas, quam in universo corpore.

CAPUT SEPTIMUM.

Infectionis Symptomata.

Plerumque accidit, ut quarto, vel quinto die ab infectione, aliquanto inflammata appareant vulneris labia, & sæpius paululum materiæ marginem versus sub epidermide in conspectum veniat, & glandulæ axillares tumidæ fiant; licet hoc non semper accidat, & rarius inflammatio circa vulnus, ante febrem observetur, si enim in brachio fit, fere rigiditas sequitur in axilla. Novi tamen plurimos, quibus neutrum acciderit ante febris ingressum. Si enim aliqua dispositio ad inflammationem accedit, vel rigiditas, vel brachii, aut glandularum tumor superveniat, certum est, eos infectionem recepisse.

Febris signa.

Ægrotans tantum non semper circa sextum, septimum, octavum, vel nonum diem horrore concutitur, & aliis febris prægredientis eruptio-

tionem indicii. Deinde febris ipsa, quæ mane remittit, vespere vero exasperatur, insequitur. Tandem variolæ a decimo ad duodecimum diem prorumpere incipiunt. Eruptio quoque semper, plus minus, comitatur sudore.

XXXXXXXXXXXXXXXXXXXXXXXXXXXXXXXXXXXX

CAPUT OCTAVUM.

Ratio medendi.

Durante febre plerumque nihil agendum est medico; licebit quoque ægrotanti in domo, vel in aëre liberiori obambulare, nisi pluvia, vel frigus nimium id impediant: interea cavendum est, ne nimio frigori se exponat ægrotans, nec continuo sedeat ad focum, vel maturius cubitum eat. Si vero adeo ægitudine afficiatur, ut non possit se sustinere, supra lectum decumbat, vestibus non detrahis. Plurimos nempe novi, qui dicebant, se non posse diutius sustinere, nihilominus persuadendo effeci, ut ambularent sub dio, & paulatim nihil amplius molestiæ, aut doloris, perceperunt.

Aliquando afficiuntur horrore, tremore, languore, anxietate & debiliore pulsu, & sic per plurimos dies se habent. Simul ut hæc videbam, judicavi in hoc statu adhibenda esse cardiaca, animadvertens tamen juniores, fortiores, & qui nimis indulgent requiei, maxime his incommodis laborare; eos vero qui hoc tempore exercitatione utebantur, penitus iisdem carere: persuasum habui hæc omnia provenire a spasmodis superficialibus, & nimis tarda circulatione, ideoque opus esse regimine antispasmodico, quo etiam usus sum maximo cum successu, nempe pediluvio ante cubitum adhibito, & adsumto antim. diaph. non lot. scrupulo uno, cum laud. liquidi gr. xv., quæ etiam repetenda sunt urgente causa. Si æger non sit adultus, minori quantitati propinentur.

Non raro autem debilitas aliunde oritur, & vis vitæ eget stimulo tam-

temporario. In numero eorum, quibus opem medicam tuli, duo fuerunt, quibus maxime opus erat tali regimine, alter erat vir fere sexagenarius; altera vero virgo nobilis, debilioris constitutionis. Ambo circa tempus eruptionis videbantur animo delinqui, magnaque debilitate, & anxietate afficiebantur. Ille capiendū haustulum unum, vel alterum seri lactis, cum vino confecti, protinus resciebat, & pustulæ ad numerum triginta ortæ sunt. Hæc vero parum contrajerv. & castor, eodem vehiculo cepit, & mox resecta est, & circiter centum variolæ erumpere cœperunt. Hujus generis autem medicamentis minime egent convalescentes, his enim novo, & salubri aëre potius opus erit.

Febri nimis violenta, plethoræque majori, vel nimio sanguinis impetu, existentibus, necesse erit V. S. instituere, & copiosum potum diluentem spiritu vitrioli acidulum, exhibere. Hyeme tamen cubiculum paululum calefiat; sumat etiam quaque secunda vel tertia hora antim. diaph. non lot. scrupulum unum, quod non raro levat febrem, & eruptionem producit laudabilem. Hujus expertus sum utilitatem in spontanea infectione in eis, qui plurimos habebant pustulas; spiritus enim vitrioli & antimon. diaphor. non lot. vel vinum antimonii, & novi aëris exterioris, non tamen nimis frigidi, accessus, minuendo magnum numerum, & ægrotum refocillando, a maxima illa anxietate, quæ sæpissime comitatur istum morbum, liberavit, & convertit pustulas in benignissimas.

Circa tempus eruptionis pluribus ægrotantium expedit pedes in aquam tepidam immergere, antequam cubitum eunt. Præcipue tamen attendendum est, ut interea corpus erectum teneant, nam sæpe accidit, ut proni sedent; quo fit, quod sæpius vidi, ut multæ pustulæ vapore emollitam faciem & irritatam obruant; id quod quoque velim, ut in omni pediluvio observetur, quo sanguis & humores facilius detrahantur a capite.

A tempore novissimæ purgationis curandum est, ut alvus sit soluta, & saltem semel in die exoneretur, præcipue a febris initio ad pustularum exsiccationem. Huic fini maxime conducet parum crem. tartari, vel alius antiphlogistici purgantis, quaque sesqui hora, donec alvus respondeat, exhibere. Multi opinantur solutam alvum,

alvum nocere progressui suppurationis, & inimicam esse pytalismo frequenti, in hoc morbi stadio peritili. Mihi vero minime persuadere possum, expulsionem putridæ & noxiæ facies posse damno esse. Constat enim fæces, ni expellantur, posse sanguinis corruptionem inducere, & effluviis continuo ex intestinis crassis resorptis, acrioribus, putridis, febri ejusque symptomata multum intendere. Ipsa enim corpora valida, vegeta, si alvus altringatur per plures dies, multo debiliora evadunt, cibi appetitum amittunt, & febre sæpe corripuntur; quod si igitur corpus sanum, cujus excrementa non adeo ad putredinem tendunt, ita adsiduit retentione excrementorum, æquis dubitet de eorum effectibus nocivis in statu morbo? Immo mihi videtur quotidianam alvi defectionem, effectam talibus laxantibus, omnino non nocere pytalismo, neque maturationi pustularum: contra vero maxime favere utrique, extrudendo nempe omnia noxia.

Clysmata non tam profunt, quam purgantia refrigerantia, ni fæces sint duriore; quia non transeunt valvulam coli, nisi excedant modum usitatum, & invertatur motus peristalticus, solummodo enim exonerant rectum & colon. Præterea sal eadem ratione prodest, quo antiseptica, corrigique colluviem putridam, qua primæ viæ sæpissimè abundat.

Si vomitus superveniat initio febris, opus erit emeticis, quibus addenda sunt copiosa diluentia, acidulata, repetitis, sed modicis haustibus, ingesta, & etiam pediluvia; si autem vexet tempore eruptionis, antim. diaph. non lot. scrup. unus, cum laud. liq. gt. XV. pro dosi, sistit vomitionem, & eruptionem promovet.

Si vero infantibus accederint convulsiones, quod meæ observationi nunquam se obtulit, medendo prædicta methodo præparatis, adhibenda erunt epispastica inter scapulas admoda, & præbende aliquot guttæ vini antimonii cum laud. liquid. & enema iniiciendum, quæ mihi videntur efficaciora sale vol. alcalico, ac quovis medicamento cardiaco, adeo a plurimis laudatis. Sin autem addit inertia & tarditas in negotio expellendi virus variolosum, convulsiones proderunt. Mihi autem videntur ejusmodi convulsiones in infantibus potius ab acri materia variolosa, stimulante systema nervorum

quippe quod in his maximæ sensibile est, quam a debilitate, provenire.

Si vero brachium inflammetur, & majore dolore crucietur, vel efchara nasceretur, quæ hæc incomoda augeret, necesse erit adhibere cataplasma ex lacte & pane confectum. Ni vero urgeat necessitas, minime hoc suadendum, nec aliquid adhibendum erit, antequam materies adhæreat linteis, quo in casu empl. diachyl. profuturum reor. Expertus enim sum omnia remedia resolventia, quæ sensibilitatem & inflammationem augent, magis pustulas & tumorem ad partem invitare. Hinc certum est, usum emollientis cataplasmatidis, augere ulcus, præsertim si in initio admoveatur. Solebant quidem in *Maryland* adhibere cataplasma a tempore inflammationis, qui primum insitionem tentavere; sed brachium plerumque doluit. Videntes autem subiecta melioris constitutionis adeo excruciaci brachiis ab horum applicatione; servos vero atque æthiopes, qui tanta cura non tractabantur minime aliquid in brachiis pati, cataplasmata omiserunt. Hinc liquet, omne malum ortum ducere a cataplasmatibus. Usu ergo didici præstantius esse nihil adhibere, nisi urgente necessitate, quam empl. diachyl. simpl. Si vero inflammatio major adfuit, cataplasmata tunc profuerunt; semper tamen expertus sum, ulcera fuisse majora. Credo itaque hirudines & scarificationem in hac rerum facie multum prodesse posse. Variolis siccatis, ulcus plerumque consolidari incipit, & tunc nulla alia remedia applicanda sunt, quam quæ aliis ulceribus conducunt.

Glandulæ axillares sæpe intumescunt & dolent ante febrem, licet febre in yadente fere semper dissipetur tumor; sin aliter evenierit, frictio bis in die cum ung. mercuriali instituta, ut sæpissime vidi, egregie respondebit.

Perutillæ videtur administrare anodina videlicet. laud. liq. crescentibus pustulis, si dolor acrius urget.

Pustularum exsiccatione peracta opus erit semel atque iterum purgare, mercuriali alvum exonerare.

Convalescentibus hoc modo curatis, nihil amplius, quantum ego quidem scio, opus erit. Quum vero aliquid triste inter curandum, acciderit, eadem methodus observanda est, quæ in infectione spontanea.

XXXXXXXXXXXXXXXXXXXXXXXXXXXX

CAPUT NONUM.

Utilitas mercurii & antimonii cum regimine

antiplogistico.

Virus variolosum est materia sui generis, & introducta in corpus humanum vel arte, vel sponte, contaminat, ut omnis alia contagio, totum corpus. Licet ignorem speciale modum agendi, & cur semper maneat in corpore quasi abscondita aliquandiu antequam morbum inducat; attamen judicando ex effectibus semper insequentibus, sistit morbum inflammatorium, cujus terminus est suppuratio. Malignitas hujus mali omnimodo pendet a statu corporis, qui prævalet, & methodo regiminis a tempore infectionis ad eruptionem usque; quatenus vel favent, vel nocent ejus progressui.

Variolæ itaque, si considerantur tanquam phlegmone, etsi qualitas & quantitas pustularum pendet a statu corporis, & regimine illico a suscepto contagio observato; patet tale regimen, & talia medicamenta, quibus cum bono fructu in aliis morbis phlegmonicis utimur, in hoc maxime prodesse debere; reductionemque ad statum minus inflammabilem a quacunque causa, tutissimam esse methodum tractandi ægrotum: e contrario quodcumque calorem, & inflammationem auget, maxime nocere & pessimum exitum habere posse.

Ex his meditationibus satis liquet, antimonium & mercurium, cum regimine antiplogistico, quibus utimur a tempore insitionis ad nascentem febrem usque, sine dubio multum impedire incrementum, & plerumque fere extinguere inflammationem.

Celeberrimus **BOERHAAVE** in Aphorismo 1379. versus finem credidit, variolas ad eandem simplicitatem, ut præcedentes morbos, reduci posse, & aliquid in ordine medendi desiderari hæc-

„ nus.”

In aphorismo 1386. „ ait: videtur morbus in hoc statu esse ve-
„ locitas liquidorum aucta a stimulo inflammatorio omni sanguini
admisso.”

In 1384. „ Stimulus videtur auferri posse correctione per specifi-
„ ca ita dicta, vel methodo universalis antiphlogistica.”

In 1392. „ In sibilio, & mercurio, ad magnam penetrabilitatem
„ arte deductis, nec tamen salina acrimonia nimium corrosivis, sed
„ bene unitis, ut quæramus, incitat aliquis horum aliquando suc-
„ cessus.”

Doctissimus SYDENHAM in Epistola ad COLE medio septimæ linæ,
p. 357. „ Profusissima autem, inquit, illa crebrarum pustularum
„ eruptio, si quid ego conjicere possum, a præcipitata nimis materie
„ variolosæ assimilatione ortum ducit; quæ quidem præcipitatio maxi-
„ me videtur contingere, vel quod ægri natura medicamenti ad instar
„ cardiaci, calore & spiritu plus satis turgeat, vel quod ipse æger, sive
„ præmature se lectulo includendo, sive adhibitis cardacis calidioribus,
„ aut liquore quovis spirituofo fermentum plus debito exaltaverit.”
& p. 358. „ In primis itaque ejus essentia, (quantum nos rerum essentias
„ conjectura adsequi valeamus) in peculiari quadam sanguinis in-
„ flammatione comprehendi videtur.” & p. 359. „ Si vera est hæc,
„ & justa hujus morbi historia, cæcus sit oportet, qui non videat,
„ omnem ejusdem in utramque partem eventum a curationis funda-
„ mento, recte aut secus primis in diebus jacto, pendere.”

Ufus mercurii profusus damnatur a multis, ab aliis vero caute ad-
hibitus laudatur. Cel. DE HAEN videtur eum omnino rejicere, ut p.
96. Tom. prim. Rationis medendi videre est; assertque exemplum
hominis, qui utebatur mercurio per tres menses, & correptus variolis
mortuus est. Si vero attendisset ad statum ægroti, sine dubio non
damnaisset mercurii usum hoc in casu, cum ipse narrat, ægrotantem
ulcere phagedænico a duobus annis laborasse. „ Sed temperies flaccida,
„ acrimonia scorbutica, acida, omnis fetoris absentia, hanc aphtho-
„ rum speciem ægrius admittunt, attamen acido-mucosa infantum
„ temperies, pessimas ac diuturnas, in capite facie & alibi exulcera-
„ tiones progignit; an hinc igitur in hac puella phagedænicum ulcus
„ fuit, quod materies partes molliores mucosioresque aggressa sit?”

Quo

Quo evidenter apparet adfuisse statum corporis minime laudabilem,
unde malignitas variolarum sine dubio orta est.

Si analogia spectetur, mercurii & antimoniî utilitas procul du-
bio patebit; nam constat multâ experientiâ mercurium, & antimô-
nium, furunculis, & fere omnibus ulceribus pertinacibus efficaciter
mederi. In omni vero statu corporis inflammatorio ulcera nascun-
tur a quovis vulnere, sic etiam in rheumatismo chronico.

Observatur quoque, ejusmodi subiecta, infectione spontanea capta,
plerumque mori. Celeberrimus SYDENHAM p. 361. affirmat vidisse se
pessimum genus variolarum in subiecto rheumatico, quod undecimo
die obiit. Si variolarum indolem in quibusdam hominibus, & sta-
tum in quo subiecta relinquuntur, inflammatione semota, considera-
mus, videtur plurimis rationibus magna obtinere affinitas cum statu
corporis, cujus antea mentionem fecimus.

Notum enim est, prædictas circumstantias multum favere mul-
tiplicationi materie variolosæ. Status etiam corporis, ortus a vario-
lis materia expulsa, videtur maximam affinitatem habere cum præ-
cedente, & mercurium, & antimonium cum antiphlogistico regimine
inveniri remedium efficax. Hinc quoque apparet, ea medicamenta
& regimen, quæ inveniuntur maxime mederi huic dispositioni, mi-
nus malignitati favere, & adimere corporis statum inde oriundum,
debere quoque omnino infringere vim virus, ne contaminetur
corpus, & semper illius actionem moderari, ut sic pustule laudabiles
& pauciores numero, oriantur.

Qui approbant usum antimoniî & mercurii in adultis in quibusdam
casibus, nolunt tamen illo uti in infantibus, & subiectis laxâ fibra, vel
debiliori systemate nerveo laborantibus, & in hoc casu rejiciunt quo-
que regimen antiphlogisticum, laudantque victum resicientem. Si
verum est mercurium & antimonium vim habere gignendi laudabi-
les & mites pustulas, in corpore fortis & tensæ fibræ, necesse est
eundem effectum consequi, in infantulis & subiectis sensilioribus, nam
minime pendet a robore, vel rigiditate fibrarum, quod in his vis va-
riolosa augetur; si enim sic res haberet, necessum esset, ut omnes
fibra forti laborantes, & præcipue servi æthiopes, qui plerumque
sunt robustiori corpore, semper plurimas pustulas experiri debeant.

Ex-

Experientia tamen constat servos nigros fere minus pati a variolis, licet fungantur improbo labore, & sint fortiori corpore. Mihi quoque denique persuasum est, subiecta otio dedita, & tenerioris habitus, magis prona ad malignitatem, quam fortiora. Nam sæpe accidit, ut ejusmodi homines male habiti in parte quadam corporis, quæ vulnere levissimo afficitur, supervenientibus inflammatione & ulceribus obstinatis, cogantur alterantibus mercurialibus, & antiphlogisticis, ut sanentur, uti: quum e contrario in hominibus rigida fibra laborantibus, pars læsa laudabilem suppurationem sistat, & brevi sanetur: unde patet homines ejusdem habitus plerumque inveniri aptiores morbo varioloso iis, qui validiores sunt.

Obijciunt quoque usui ejusmodi regiminis, corpus ineptius reddi ad expellendam materiam morbosam ad extrema. Sed quum & experientia & ratio doceant, hanc methodum vi pollere impediendi generationem copiosæ materiei, non minus certum erit, febrem minui pro paucitate materiei morbosæ, & sic naturam facilius sufficere ad minorem copiam, quam ad majorem expellendam. Videtur quoque pro numero pustularum expellendarum naturam plus minus vigere; vis enim & duratio febris pendent a quantitate materiei morbosæ ejiciendæ, & quo diutius hæc manet, eo violentior, erit febris, eoque magis corpus debilitatur: denique febris quæ sex horas durat, corpus magis debilitat, quam tota præparatio. Sæpe enim a duratione ejusmodi febris æger ita debilitatur, ut vix pedibus insistere possit. Exposita vero præparatio nunquam profertur adpetitum, nec impeditur exire.

Regimen supra præscriptum minime censeri debet ad debilitatem tendere, mihi quippe videtur unicum regimen subiecto debiliori conveniens, quum ventriculus non valet coquere alimenta. Ova haud dubio tantum nutrimenti corpori præbent, quantum quodcumque aliud corpus, & tamen minime stimulant, quæ ratione aptissima mihi videntur. Omnis quoque reliquus victus supra expositus facilis digestionis, antisepticus, nec stimulans, existit. Cortex Peruvianus huic methodo junctus, plerumque optimum effectum præstat, quum sit corroborans, antisepticus, & nequaquam stimulat. Mihi vero nullum dubium est, quin omne alimentum, vel medicamentum irritans adhi-

bi-

bitum, rescindiendi causa, perniciosissimum, vel sæpe mortiferum sit.

Quantum mihi observatione constitit purgando diversa corpora, quomodo præparatio hæc nonnullis noceat, ego determinare non audeo. Sæpius vidi ægrotos, quibus erat magna nervorum sensibilitas, quibusque medicamenta fastidio erant, ex remediis supra laudatis nullum incommodum percepisse: cum e contrario, qui vulgo credebantur fortioris constitutionis, aliquando plus passi sunt inter operandum, id quod alias non raro fit in purgationibus & vomitu.

Hoc accidit virgini cuidam nobili, cui ipse in infusione opem ferebam, & quæ mihi solito vivacior visa est præparationis tempore. Multis annis laboraverat doloribus rheumaticis, & ulceratis cruribus, non adeo facilibus sanatu, quæ tandem alterantibus mercurialibus & decoctione lignorum tractanda erant, ut sanari possent. Medelam adhuc, qualem supra proposui, nec medicamenta ei fuere ullo incommodi, neque febris ademit cibi capiti appetitum, nec coacta erat lecto se tradere, pustulamque tantum unicam habuit; ab illo tempore valetudine lætiori, quam plurimis annis ante fruebatur; fuitque vivacis indolis, corpore licet graciliori existente. Aliam curabam virginem, quæ passione hysterica, fluore albo, & melancholia laborabat, quam eidem regimini submissi. Quotidie exivit domo, nec plures quam quinque, vel sex pustulas, accepit, & præparationem absque ullo incommodo sustinuit; morbo superato vegetior, & vultu floridior, quam ante, erat.

Una ex meis sororibus, obstructione jecoris per plurimos annos conflabat, & maxime debilitata, multumque passa a malo hysterico, infusione tamen subiit: usa est eadem methodo, nec tulit plus incommodi a medicamentis, quam robustissimum subiectum, nec in publicum prodire præpediebatur, & vix triginta pustulas numeravit. Loco febris, quæ alii corripiebantur, illa hysterica passione tentata fuit, quæ minime pendere a variolis videbatur, nam cito disparuit, & postmodum febris levissima secuta est, videbaturque se bene habere. Postea quoque meliori sanitate fruebatur, & obstructione jecoris minus incommoda fuit, immo spatium sex mensium, ad pristinum habitum lætorem rediit.

D

Mr

Methodi expositæ utilitas in infantibus.

Pueris quoque junioribus hæc ratio medendi eodem successu adhibita fuit. Non enim est, cur credamus infantes tali methodo debilitari, nam pueri, ut experientia docet, operationes ejusmodi medicamentorum facilius ferunt, quam adulti; patet hoc, si consideramus longas & continuas diarrhœas, quibus infantes subjiciuntur, & quæ minus debilitant laxiores & corpulentiores, quibus tamen robustissimi adulti brevi tempore emaciantur. Mihi videtur quoque mercurius antidotus infantulis contra convulsiones frequentes, quasque medici adeo timent tempore insitionis. Nam in istis eruptionibus, quibus infantuli addiuntur, & quæ adeo profunt valetudini, si cadant in partem corporis, ubi necessarium est applicare exciccantia, v. g. in oculos, modica dosi mercurii adhibiti pro alterante, mitorque ventris purgatio cum rheo, &c. obstant malis a repercussione oriundis, ut sæpissime expertus sum.

Multa enim experientiâ didici infantulis convulsionibus, vermibus, dentitione difficili, laborantibus purgationes cum rheo & calomelate maxime prodesse.

Infans sex mensium, dentitione difficili laborans, corripiebatur paroxysmis convulsivis & colica, oriunda ex constipatione alvi. Emisit dein multos flatus, viridia, spumosa, & tam acria dejecit excrement, ut excoerarent partes vicinas. Prescribebantur magnesia alba margaritæ, & alia testacea cum rheo, & inter scapulas admovebantur epispastica ex cantharidibus; ore vero adsuuebantur Sp. C. C. tinct. castor. laud. liq. sal. tartari, crem. tartari, gingivæque lanceola ad dentes usque incidebantur. Quæ omnia successively pro ratione effectus adhibebantur, & si nil boni præstabant, tantum pro brevi tempore. Deinde calomelas præbebatur cum rheo & magnesia ea quantitate, ut sufficeret ad alvum leniter laxandam absque ptyalismo. Præterea eodem tempore usus laudani liquidi a frequentibus torminibus indicabatur. Vix deus vel tres portiones hujus pulveris sumferat, quam probe resectus fuit, facibus viridis coloris, & acrioribus, excussis. Die quarto omnia symptomata evanuerunt, excrementa ad naturalem colorem & consi-

sistentiam redierunt. Dosis pulveris repetebatur, donec prorsus sanatus erat. Quotiescunque autem symptomata iterum adparebant, toties usu rhei & calomelatis iterum sublata fuerunt.

Puerulis laborantibus ad seclibus cutaneis, & eruptionibus variis, naturali infectione suscepta, quam plurimæ & pessimæ variolæ plerumque superveniunt. Mercurium autem & antimonium his maxime conducere, quæ dispositionem, quæ malignitati morbi favet, ac quæ in omni fere infante plus minus invenitur, destruit, liquet.

Usus hujus praxis in statu soluti sanguinis.

Sanguine a putrida acrimonia soluto, in tali enim casu prudens medicus nollet illico insitionem suadere, si forte quis periculum incurret contagium sua sponte suscipiendi, præstantius erit insitionem tentare. Fateor quidem theoriam usum mercurii omnino respuere, experientia vero repetita in *America* innotuit, eum corpus præparandi causa, cum laudabili effectu adhiberi posse. Non ibo insicias mercurium in corpus ingestum, sanguinem quodammodo dissolvere, sed nescio an hæc dissolutio putridam acrimoniam augeat, quia nulla phenomena putredinem indicantia post ejus usum adparuerunt. In hoc casu corticem Peruvianum semper adhibere, cum præparatione quam supra exposui, præstabit, ægrotusque utatur copiosis acidis; si autem dissolutione ista putrida, multum debilitatus sit, in usum vocari possunt mercurius, antimonium autem minori quantitate, sed sæpius repetita. Sumat quoque mitius purgans, minime stimulan. Celebrerrimus PARINCE pleurumque ægrotos suos purgare solebat rheo & calomelate ad decessum febris usque malignæ, sicque ex voto omnia succedebant, & expellendo colluviem putridam, præpedibat regressum febris; hinc patet mercurium minime favere incremento putredinis.

Anno 1765. violenter fieviebat in *Maryland* variolæ, febrisque biliosa epidemica, & dimidia pars eorum, qui sponte & absque præparatione variolis corripiebantur, mortua est; ii vero, qui insitionem subierunt, & secuti sunt hanc methodum, benignissimo genere affecti sunt, & prout videre, vel intelligere potui ex iis, qui operationi præfuerunt, citra spem successit. Maxime consultum erit uti acidis

& regimine antiphlogistico, ne corpus nimis caleat. Eruditus & probus juvenis olim Philadelphiae, nunc Edinae ad studia medica incumbens, mecum communicavit sequentem observationem. „ Nullus „ est status sanguinis e temperie speciali aëris pendens, cui insitio „ non conveniat. Anno 1762. febris flava Philadelphiae saeviit „ tanta vi, ut quindecim, vel viginti quotidie eriperet; ibi quoque „ variolæ eodem tempore prævalere insolitâ malignitate, adeo, ut „ vix tres ex decem incolumes evaserint. Aër videbatur particulis „ noxiis repletus, quæ haud dubio vim addidere morbo; medici no- „ lebant aliquandiu in quemquam insitionem tentare, præ metu vio- „ landi existimationem operis, donec pertitissimus RIDMAN hu- „ jus civitatis decus, inductus est experimentum facere in duobus „ juvenibus ex India Occidentali, quotidianò metu multum passis, „ quâ de causa rati sunt, tutius esse, insitionem subire; ambo validâ „ constitutione fruebantur, & morbo bilioso aptissima; neuter plus „ solitâ proportionem mercurii & antimonii sumpsit, uterque variolis „ mitissimis corripitur; unus vix viginti tulit pustulas. Ab hoc tempore „ medici usi sunt insitione cum solito successu, ut antea, febre ista fla- „ va tunc tempore saeviente.

„ Nulla ætas terreat ab insitione. Senes & infantes æque ido- „ nei sunt huic operationi, tuto etiam adhiberi potest in parvulis „ dentientibus. Novi puerum vix natum plus viginti octo diebus, qui „ tantum unam pustulam distinctissimamque exhibuit; & alium quatuor- „ decim dierum, qui vix octo pustulis laboravit.” Audiui ex medico in America, se fecisse hanc operationem in isterico, ex obstructione jecoris vetustissima, ad quam referendam in casum dederat varia aperientia, & eique præscripsisse corticem peruvianum cum antimonio & mercurio, putridi habitus causâ, ægrotumque vix viginti pustulas accepisse; deinde penitus ab istero & jecoris obstructione liberatum fuisse.

Utilitas antimonii, mercurio juncti, non solum consistit in virtute minuendi materiem morbosam, sed etiam quod determinet mercurium ad superficiem, quoniam perspiratione favet, efficitque, ut vis mercurii maxime crescat; impedit quoque, ne major alvi evacuatio a tanta mercurii copia veniat.

Magna

* Benjaminus Rush

Magna utilitate est aëris ventilatio, respiratione enim semper at- trahitur, ergo particulis nocivis onustus, corpori infert incommodum. Experientia confirmatur aëra noxium vel nimis calidum, multum nocere etiam validissimo corpori; quid ergo non continget iis, qui morbo, præsertim febre, laborant? ut testatur immortalis SYDENHAM hujus regiminis auctor.

Pertitissimus HUXHAM observat, febrem variolosam aliquando videri maxime phlegmonicam, hinc ei opus esse regimine antiphlogistico, & evacuatione. Sæpe etiam maxime nervosa fit & cardiacis eget. In diversis tamen corporibus febris diversa se præbet, pustulatque sæpe methodum contrariam; indicatio vero ante febris ingressum in omnibus eadem est. Quum febris censenda sit natura conatus ad expellendum virus, qui conatus, si nimius videtur, cohibendus est congrua evacuatione & regimine, si vero languidior, eget cardiacis. A tempore autem suscepti contagii, usque ad accessum febris indicationes eadem sunt in omni habitu, nempe generationi nimia virus resistendum est; nam pro quantitate materiæ expellendæ, febris fortior, vel debilior evadit; & pro varia quantitate natura quoque, varie se expedit; unde apparet, febrem minori vi pollere pro quantitate minore, naturamque eo minus debilitari, quum corpus sit aptius expellendo virus ad extrema.

Constat hanc methodum esse non solum magnæ utilitati in insitione; sed etiam in infectione ultro capta. Vidi circiter duodecim homines, qui morbum susceperunt sponte sub eodem regimine, omnesque æquo successu, ac in insitione. Observatum quoque velim, omnes, a quibus contaminati erant, magna malignitate laborasse, & morbo perierisse; persuasum ergo habeo, si constet infectionem ultro susceptam fuisse, hac methodo & cura observatis ab illo tempore ad febris ingressum, eventum non minus bonum sperandum esse.

Denique mihi videtur nullum esse statum corporis, nullam ætatem, cui hæc methodus non conveniat, pollet enim maxime vi minuendi virus, in totum, vel saltem pro parte. Non dubito quoque quin cortex Peruvianus in quavis debilitate, vel dispositione ad putredinem apparente, magnæ utilitatis sit, quum corroborans antisepticus & minime stimulans observetur.

D 3

Inuti-

Insufficiencia regiminis antiphlogistici sine mercurio & antimonio.

Nonnullis videtur dubium esse num mercurius & antimonium aliquid boni, in hoc morbo præstent, nam omnia iis iudicibus pendere ab antiphlogistico regimine. Licet in quibusdam casibus, si inclinatio ad incrementum materiæ morbi prævaleat, usus regiminis antiphlogistici, per aliquot tempus ante inficionem, etiam ex mea sententia possit esse magnæ utilitati absque mercurio & antimonio: plerumque tamen res aliter se habet. Certus quoque sum, quod etiam, quo cicus mutatio possit effici in corpore, eo melius sit. Exempli gratia, in febris intermittente uncia corticis Peruviani, quovis intervallo adhibita, paroxysmo subsequenti obstabit, eadem vero quantitas divisa, propinata in octo intervallis, effectum hunc non producet. Nunquam opus erit aliquo uti medicamento ante noctem inficioni præcedentem, & traditum regimen, ab inficione facta, ad febrem usque, sufficit ad præveniendum incrementum materiæ morbidæ. Regimen autem antiphlogisticum absque illa methodo, non valebit mutare corpus, quantum opus erit. Constat enim mercurium & antimonium carere effectû absque antiphlogistico regimine, & antiphlogisticum regimen, non adeo efficax fore absque illis. Cum enim variolæ sævierunt in *Maryland* anno domini 1765. tanta vi, ut dimidia pars rapta esset morbo spontaneo; quidam medici prorsus ignari usus mercurii & antimonii, periculum fecerunt inficionis, & ex triginta, vel quadraginta, vix unus periit, plerique vero sanatorum multis cicatricibus notati sunt; dum omnes, qui utebantur hac methodo, nec domi manere cogeantur, & incolumes evasere.

Quum etiam mercurio & antimonio præparatio absoluta fuit, vis morbifica tamen potuit multoties augeri usu liquoris calidi & spirituosi tempore febris. Vidi ipse tres variolosos, pustulis ejectis perpaucis, febreque peracta, captos nova febris, post quam centum pustulæ novæ erupuerunt, quum antea vix quinquaginta habuere; quoniam adsumserant liquores calidos & spirituosos, causa fuit, quod alter, paululum spiritus saccharini (vulgo Rum) aqua mixti, & pomum liquori paucis diebus injectum manducaverat; alter vero aliquan-

tulum

tulum ejusdem liquoris adusti deglutiverat. Aliam vidi cui pustulæ benigniores videbantur, observansque se habiturum perpaucas, sciensque numerum augendum fore sedendo ad focum, voluit faciem cicatricibus deturpatam habere, quod efficit perseverando in calore, inde etiam correptus est febris, qua multa millia macularum ejecta sunt; exeundo vero foras, nihilque capiendi liquoris fortis, multæ evanuerunt, & plurimæ numquam suppuravere.

Ex relatione KIRKPATRICK p. 125. ad 127. patet, inficionem in Europa & in America communi methodo vix unum ex quinquaginta, & ex D. TENNENT. in diss. p. 39. hac methodo tantum unum ex 436. & a calculo quem ipse in *Maryland* vidi, ni fallat memoria, unus tantum ex 800. periisse. Circiter 300. vidi, quibus inficio facta est, qui omnes impune evaserunt: Hinc merito processus, qui in America viget, plus quam duodecies alteri præstantior est, ut nihil dicam de inficionis omni tempestate & ætati convenientia; quæ olim nunquam nisi urgente necessitate facta est. Idem KIRKPATRICK narrat p. 133. quod in comitatu *Hamptoniæ, Suffexiæ, & Surriæ* in Angliæ, ex duobus millibus inficionem passis duo tantum periissent. Summe reverendus Episcopus Vigornienfis in concione vix tres ex mille & quinginta, & RANBY Chirurgus, ex mille nullum succubuisse, testantur. Quum tamen nihil dicant de methodo, non concludendum erit, eam esse absque mercurio, (licet ex omnibus aliis pateat totum calculum esse in ratione, unius ad quinquaginta) ex mea quidem sententia mercurio utebantur, ni tempus multo favoriseret operationis successui. Medicus BAKER in examine diversarum rationum hujusce praxis observat, hanc methodum in *Surrey* & quibusdam Angliæ comitatibus notam, & majori utilitate probatam esse, vulgari methodo; & Celeberrimus GLASS. anno 1767. respondens ad questiones BAKERI enumerat novem millia, qui hanc praxin incolumes subierunt. Methodum omnimodo secretam habent, videtur tamen constare præparatione mercurii & antimonii per diversos pyralismos subsequatos, atque ex eorum relationibus, fuisse in usum circiter abhinc decem annos. Quum autem KIRKPATRICK scribit de iisdem locis, minime dubitandum est, exempla ægrotorum, ab illo allata sub regimine BAKERI & GLASS. haud dissimilia esse illis, quæ ego attuli.

Que-

Quærit BAKER an sit mercurio & antimonio vis specialis, quæ in regimine refrigerante non sit? respondet Dr. GLASS experientia constare, ea remedia tali virtute prorsus carere; mercuriumque, quo ipse utitur in tali præparatione, cum regimine antiphlogistico ante insitionem, minime valere tantum, quantum methodus, quâ utuntur medici mementos *Surriani* &c. Cujus successus ille multa ingenuâ argumentatione unice adscribit medicamento, quo insitione peractâ utuntur, quod arbitratu præparationem antimonii, cujus effectus maxime constat ex vi sudorifica, qua febris subsequens mitigatur, conf. GLASS. p. 604. Utilitas dirigendi mercurium ad superficiem maxima est. Mihi quoque videtur mercurium sine antimonio, multo minorem habere vim mitigandi malignitatem variolosam, quod expertus sum in iis, quos massa pilularis nunquam sensibilibiter afficiebat, nisi sudore, & pulvis purgans bis vel ter tantum movebat, qui variolas minori numero, vel mitioris generis acceperunt, licet pytalismo aptiores essent. Utilitas administrandi mercurium, eumque dirigendi ad cutem, nunc confirmatur multis experimentis; nec desunt exempla perfectæ curationis ope antimonii additi in morbo pertinaci, cui salivatio mercurialis non sufficiebat. Pilula ista neque ventriculum movet, neque alvum purgat, nisi prima vice, idque rarius. Si vero sumitur hora somni perspirationem benignam noctu intendit.

Dr. GLASS. p. 73. porro quærit, utrum antimonium, adhibitum in febris præcedente variolas spontaneas, producat eundem effectum. Ego vero credo habere optimos effectus, & sæpe eruptionem distinctis pustulis efficere; non tamen semper variolis adimere omne periculum; & mercurium cum antimonio, quibus regimen antiphlogisticum adjungitur, absolute necessarium esse post infectionem captam, vel saltem sexto, aut septimo die ante febrem. Nullum medicamentum mihi videtur efficacius ad cohibendam vim variolosam, tam brevi tempore. Plerumque vidi antimonium adhibere in infectione spontanea durante febre, quod optimæ utilitati fuit, producendo plerumque pustulas distinctas, licet ægroti aliquando morbo pereant. Jammonui antimonium cum novo aëre, & usu acidularum, etiam post eruptionem, coascentes, si tempestive adhibeantur, reddere distinctas.

Hæc

Hæc quoque utilitas addenda est successui magno hujus methodi, quod variolis ingressis in domum, si desit tempus præparandi per regimen antiphlogisticum, & opus erit insitione immediata, ne infectio ultro superveniat, hæc ratione non sit, cur quis timeat, brachium quovis tempore insitioni porrigere.

An apostemata rariora sint ab insitione, quam ab infectione spontanea?

Quæstio agitur inter medicos, num corpora, in quibus insitio facta est, apostematibus magis obnoxia sint, quam illa, quæ infectionem sponte capiunt. Mihi vero hæc quæstio nullius momenti esse videtur. Manifestum quippe est, paucitatem pustularum minorem præbere quantitatem materiæ absorbendæ, consequenter eadem ratione sanguinem infici. Prior opinio aliis probabilior videtur, quod plerumque fiat, ut ii, qui passi sunt insitionem, frequentius apostematibus afficiantur, quam qui sponte morbum susceperunt. Opera autem pretium est inquirere, num veritate nitatur, sin aliter, corruet. Sæpius enim fit, ut, qui variolis corripiuntur ab insitione, suppuratis pustulis, sanguinem, nimio calore utendo, vel quovis alio modo, corrumpant, laute scilicet vivendo; ii vero, qui sponte susceperunt contagium, nequeunt prodire foras, vescuntur victu idoneo & modico, & maximam curam valetudinis restituendæ agunt. Ab his enim circumstantiis, ad quas maxime attendendum est, problematis solutio omnino pendet.

Quæ quidem pauca in præsentia de hoc argumento disputasse sufficiant. L. B. præcipientes nostros labores æqui bonique consulat, rogo, obsecro.

F I N I S.